



**Tužilaštvo - Tužiteljstvo Bosne i Hercegovine**  
**Тужилаштво Босне и Херцеговине**

A-254-3/24

12.08.2024. godine

Na osnovu člana 69. i 70. Zakona o javnim nabavkama Bosne i Hercegovine („Službeni glasnik BiH“ broj: 39/14, 59/22) i člana 30. Pravilnika o javnim nabavkama roba, usluga i radova Tužilaštva BiH broj: A-200/24 od 16.05.2024. godine, glavni tužilac Tužilaštva – Tužiteljstva BiH donosi

**ODLUKU**  
**o izboru najpovoljnijeg ponuđača**

**Član 1.**  
**(Predmet odluke)**

Ugovor o nabavci tonera i ketridža za potrebe Tužilaštva-Tužiteljstva BiH, dodjeljuje se ponuđaču ALF-OM d.o.o. Banja Luka PJ Istočno Sarajevo.

**Član 2.**  
**(Kriterij za dodjelu ugovora)**

1. Ponuda ponuđača iz člana 1. ove odluke zadovoljava sve uslove utvrđene u predmetnoj tenderskoj dokumentaciji/zahtjevu za dostavu ponuda.
2. Ponuđaču iz člana 1. ove odluke, ugovor će biti dodijeljen u skladu sa elementima Ponude, te uslovima i kriterijima utvrđenim u Obavještenju o nabavci i tenderskoj dokumentaciji.

**Član 3.**  
**(Stupanje na snagu)**

Ova odluka stupa na snagu danom donošenja.

**Obrazloženje**

Postupak javne nabavke pokrenut je Odlukom o pokretanju postupka javne nabavke broj: A-254/24 od 19.06.2024. godine. Javna nabavka je provedena putem konkurentskog zahtjeva za dostavu ponudu. Procijenjena vrijednost nabavke je 49.999,00 KM bez PDV-a.

Obavještenje o nabavci je objavljeno na web portalu: <https://ejn.gov.ba/>, broj obavještenja: 435-7-1-61-3-16/24 od 19.06.2024. godine, i u Službenom glasniku BiH broj: 345/2024 od 28.06.2024. godine. Do krajnjeg roka za dostavu ponuda, na protokol Tužilaštva – Tužiteljstva BiH zaprimljeno je šest (6) uredno zapečaćenih

i neotvorenih ponuda ponuđača: Alfadivit doo – Živinice, Elkom doo – Vitez, Alf-om doo - Banja Luka, Aero Exclusive doo – Sarajevo, Defter d.o.o. – Sarajevo i Crobox doo - Sarajevo.

Na osnovu Odluke o imenovanju Komisije za provođenje postupaka javnih nabavki Tužilaštva BiH za 2024. godinu, broj: A-517/23 od 30.11.2023. godine, članovi Komisije (u daljem tekstu: Komisija) izvršili su pregled i ocjenu ponude i utvrdili su sljedeće:

Ponude ponuđača zadovoljavaju uslove tenderske dokumentacije/zahtjeva i tehničke specifikacije, te se dostavljene ponude smatraju prihvatljivim. Početne ponude ponuđača su iznosile: Alfadivit doo – Živinice 49.098,80; Elkom d.o.o. – Vitez 49.610,82; Alf-om doo - Banja Luka 46.529,50; Aero Exclusive doo – Sarajevo 49.823,60; Defter d.o.o. – Sarajevo 49.415,18 i Crobox doo – Sarajevo 49.884,00 bez PDV-a.

Tenderskom dokumentacijom/zahtjevom je bila predviđena e-aukcija koja je održana dana 26.07.2024. godine. Nakon e-aukcije, konstatovano je da su svi prethodno navedeni ponuđači aktivno učestvovali na e-aukciji, te da su ponudili nižu cijenu od inicijalno dostavljene. Komisija je utvrdila da je e-aukcija u ovom postupku uspješno završena i da je nakon završetka e-aukcije najpovoljnija ponuda ponuđača Alf-om doo Banja Luka PJ Istočno Sarajevo, čija cijena nakon e-aukcije iznosi 29.700,00 KM bez PDV-a.

Shodno navedenom, Komisija predlaže rukovodiocu ugovornog organa da donese odluku o dodjeli ugovora ponuđaču ALF-OM d.o.o. Banja Luka PJ Istočno Sarajevo, čija ponuda ispunjava uslove za nabavku predmetne robe.

Uzimajući u obzir navedeno, odlučeno je kao u dispozitivu odluke.

#### **Pouka o pravnom lijeku:**

Žalba se izjavljuje Uredu za razmatranje žalbi Bosne i Hercegovine putem Tužilaštva - Tužiteljstva Bosne i Hercegovine u pisanoj formi u tri primjerka neposredno, elektronskim putem ili preporučenom poštanskom pošiljkom u roku od pet dana od dana prijema ove odluke.



Dostavljeno:

- Ponuđaču;
- Odjelu za mat.-fin. poslove.